

## 2021-2022 | საქართველოს ჩემპიონატი

### ჭაბუკთა "ა" ლიგა

1. გათამაშებაში მონაწილეობენ მხოლოდ 2003-2004 წლებში დაბადებული ჭაბუკებით დაკომპლექტებული გუნდები
  - 1.1 სათამაშო დღეებია: პარასკევი, შაბათი და კვირა
  - 1.2 მოქმედებს ჭაბუკთა წესები. ტაიმი 35 წუთიანია, სინბინი (ყვითლით გაძევება) – 7 წუთიანი
  - 1.3 ძირითადი დებულების 5.2 მუხლის თანახმად, განაცხადში უნდა ეწეროს მინიმუმ 32 (ოც და თორმეტი) მოთამაშე
    - 1.3.1 სალიცენზიო გადასახადია მოთამაშეზე 5 (ხუთი) ლარი
    - 1.3.2 მატჩის ოქმში გუნდს შეუძლია ჩაწეროს 11 სათადარიგო, ოღონდაც ამათგან თამაშში მონაწილეობის უფლება აქვს მხოლოდ რვას (8) და სამი (3) მათგანი პირველ-ხაზელი უნდა იყოს
  - 1.4 სამედიცინო შემოწმება სავალდებულოა
    - 1.4.1 სრკ-ის გამგეობის 2020 წლის 18 თებერვლის გადაწყვეტილებით მოქმედებს სიახლე – სამედიცინო "ლურჯი ბარათის" (ტვინის შერყევა) საცდელი პროექტი.
      - ა) მოთამაშისთვის "ლურჯი ბარათის" ჩვენების უფლება აქვს მხოლოდ (მოედნის) მსაჯს, რომელიც რაგბის კავშირის სამედიცინო სამსახურს სპეციალურად ჰყავს გადამზადებული
      - ბ) თუ მსაჯმა მოთამაშეს "ლურჯი ბარათი" უჩვენა, მოთამაშე მოედანს ტოვებს თამაშის ბოლომდე და უკან ვეღარ დაბრუნდება
      - გ) "ლურჯ ბარათ" მიღებული მოთამაშის მაგივრად (განურჩევლად სათამაშო ამპლუსისა) გუნდს უფლება აქვს შეიყვანოს სათადარიგო – თუნდაც უკვე გამოცვლილი, და გააგრძელოს თამაში სრული შემადგენლობით
      - დ) მატჩის მეთვალყურე ვალდებულია დააფიქსიროს "ლურჯი ბარათით" გამოცვლილი მოთამაშე თამაშის ოქმში და მას ჩამოართვას სალიცენზიო ბარათი
      - ე) "ლურჯ ბარათ" მიღებული მოთამაშე დაფიქსირდება სამედიცინო სამსახურის ბაზაში და ავტომატურად დაექვემდებარება "მსოფლიო რაგბის" მიერ დადგენილ წესს – იუქმებს 19 დლით
      - ვ) ამ ვადის გასვლის შემდეგ მოთამაშეს დაუბრუნდება სალიცენზიო ბარათი
  - 1.5 მატჩის წინ გუნდმა კომისარს უნდა წარუდგინოს მოთამაშეთა ლიცენზიები. ამ საბუთის არ მქონე ჭაბუკი თამაშზე არ დაიშვება
  - 1.6 გამგეობის 2013 წლის 24 დეკემბრის გადაწყვეტილებისა (ოქმი #9) და სრკ-ის პრეზიდენტის ბრძანების თანახმად – "ა" ლიგის შესაფერი ლიცენზიის არ-მქონე მწვრთნელის გუნდი შეჯიბრზე არ დაიშვება

## 2. მონაწილეთა რაოდენობა: 16

მონაწილენი დაყოფილი არიან ორ დონედ:

### 2.1 ოქროს ჯგუფი (8 გუნდი)

1	ლელი თბილისი
2	ხვამლი თბილისი
3	აია ქუთაისი
4	არმაზი მარნეული
5	ლოკომოტივი თბილისი
6	ხარები რუსთავი
7	აკადემია თბილისი
8	იუნკერები კიკეთი

### 2.2 ვერცხლის ჯგუფები (5 + 3 = 8 გუნდი)

დასავლეთი		აღმოსავლეთი	
1	ბათუმი ბათუმი	1	ყოჩები ბოლნისი
2	არესი ქუთაისი	2	ლაშარი თბილისი
3	რაგბის კლუბი ზუგდიდი	3	წიქარა თბილისი
4	არწივები ზესტაფონი		
5	ბაგრატი ქუთაისი		

## 3. გათამაშების სისტემა

შეჯიბრება ორივე დონეზე ტარდება ორ ეტაპად

3.1 I ეტაპზე ჯგუფებში – ვერცხლის აღმოსავლეთის გარდა – იმართება ორ წრე: მიმოსვლით – შინ და გარეთ

3.1.1 ვერცხლის აღმოსავლეთში 3.1 მუხლში ნახსენები ორის შემდეგ გაიმართება მესამე წრეც შემდეგი სქემით:

#2 – #3, #3 – #1, #1 – #2 (აქ # ორი წრის შემდეგ დაკავებული ადგილია)

3.1.2 ჯგუფებში ადგილები ნაწილდება დაგროვილი ქულებით

3.1.2.1 თუ ორ ან მეტ გუნდს დაუგროვდა ტოლი ქულა, დაწინაურდება ის:

ა) რომელმაც დააგროვა მეტი (საცხრილო) ქულა ურთიერთ შეხვედრებში

ბ) რომელსაც გატანილი და გაშვებული ქულების (ბურთების) უკეთესი სხვაობა აქვს ურთიერთ შეხვედრებში

გ) რომელსაც გატანილი და გაშვებული ლელოების უკეთესი სხვაობა აქვს ურთიერთ შეხვედრებში

დ) რომელსაც გატანილი და გაშვებული ქულების (ბურთების) უკეთესი სხვაობა აქვს ჯგუფის ყველა მატჩში

ე) რომელსაც გატანილი და გაშვებული ლელოების უკეთესი სხვაობა აქვს ჯგუფის ყველა მატჩში

ვ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ჯგუფის ყველა მატჩში

3.1.3 ვერცხლის დონეზე წრიულ სტადიას მოჰყვება საკლასიფიკაციო მატჩები, რომელთა შედეგად ყველა გუნდს მიეჩინება ადგილი ვერცხლის დონეზე.

3.1.3.1 დას 1 – აღმ 1 | დას 2 – აღმ 2 | დას 3 – აღმ 3 წყვილები ორჯერ – შინ და გარეთ თამაშობენ I-II | III-IV | V-VI ადგილებისთვის

3.1.3.2 პირველი მატჩის მასპინძელი ირჩევა წილისყრით. გამარჯვებული ჯამური ანგარიშით ვლინდება. ბონუსები არ ირიცხება

3.1.3.3 ჯამურ ფრეზე გამარჯვებულად ცხადდება გუნდი:

- ა) რომელმაც მეტი ლელო გაიტანა ამ მატჩებში
- ბ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ამ მატჩებში
- გ) რომელიც მოიგებს მეორე მატჩის შემდეგ დანიშნულ შუთაუთს – 5 დარტყმა მიწიდან, 22-მეტრა ხაზზე, სამი ადგილიდან

3.1.3.4 დას 4 ჯდება – VII , დას 5 – VIII ადგილზე

3.2 II ეტაპზე – პლეი-ოფში – ოლიმპიური სისტემით ვლინდება ჩემპიონი და პრიზიორები, და ნაწილდება ყველა ადგილი

3.2.1 ოქროს პლეი-ოფში ითამაშებენ I ეტაპის შედეგად:


ოქროს ჯგუფში I – VI ადგილებზე გასულები (ნომრებად მიენიჭებათ 1 – 6) და ვერცხლის დონეზე I – II ადგილებზე გასულები (ნომრები 7 და 8)

3.2.2 ვერცხლის პლეი-ოფში ითამაშებენ I ეტაპის შედეგად:

ოქროს ჯგუფში VII – VIII ადგილებზე გასულები (ნომრებად მიენიჭებათ 1 და 2) და ვერცხლის დონეზე III – VIII ადგილებზე გასულები (ნომრები 3 – 8)

3.2.3 შემდეგ, 2022-2023 სეზონში ოქროს ჯგუფს შეადგენენ 2021-2022 სეზონის ოქროს პლეი-ოფის მონაწილენი, ხოლო ვერცხლის დონეს – ყველა სხვა

3.3 პლეი-ოფები ტარდება კლასიკური სქემით:



3.3.0 რაუნდი სამია: მეოთხედ-ფინალი, ნახევარ-ფინალი და ფინალი

3.3.1 ყოველ მომდევნო რაუნდში წინას

3.3.1.1 მოგებული უწყვილდება მოგებულს და თამაშობს უკეთესი ადგილებისთვის

3.3.1.2 ხოლო წაგებული – წაგებულს და თამაშობს უარესი ადგილებისთვის

3.3.2 მეოთხედ-ფინალსა და ნახევარ-ფინალში წყვილები ორჯერ – შინ და გარეთ თამაშობენ

3.3.2.1 პირველ მატჩში მასპინძელია უარეს (მეტ) ნომრიანი გუნდი

3.3.2.2 გამარჯვებული ჯამური ანგარიშით ვლინდება. ბონუსები არ ირიცხება

3.3.3 ფინალებში თითო მატჩია – მასპინძელია უკეთეს (ნაკლებ) ნომრიანი

3.3.4 პლეი-ოფში (ჯამურ) ფრეზე გამარჯვებულად ცხადდება ის გუნდი:

ა) რომელმაც მეტი ლელო გაიტანა ამ მატჩ(ებ)ში

ბ) რომელმაც ნაკლები დისციპლინარული სასჯელი (ჯერ წითელი, მერე ყვითელი ბარათი) მიიღო ამ მატჩ(ებ)ში,

გ) რომელიც მოიგებს მეორე მატჩის (3.3.2) ან ფინალის (3.3.3) შემდეგ დანიშნულ შუთაუთს – 5 დარტყმა მიწიდან, 22-მეტრა ხაზზე, სამი ადგილიდან

4. სავარაუდო ვადები

2021 წლის სექტემბერი – 2022 წლის მაისი

23/07\_2021